

四庫全書

集部

欽定四庫全書

集部

宋百家詩存卷三十二

詳校官監察御史孫家賢

主事銜臣徐以坤覆勘

總校官庶吉士臣倉聖脉

校對官中書臣葉蘭

謄錄監生臣王廷璧

欽定四庫全書

宋百家詩存卷三十二

嘉善曹庭棟編

芸隱詩集

施樞字知言號芸隱浮玉人紹定初累舉不第從辟  
入吳攝庾臺幕往來錦溪間富吟咏自為序云余萍  
汎不羈每多感賦至市橋見月之句若有解悟暇日  
按故篋得可意者百篇題曰芸隱勸游藁丙申赴浙

漕舟官旋捧檄東越董築江隄事竣秩滿歸又哀集所作共百二十題嘉熙庚子自序云先正詩野水無人渡孤舟盡日橫與樞官業偶同遂命曰芸隱橫舟藁茲藁二藁為芸隱詩集其詩間涉俗調而清俊之致自在格律亦老成樞嘗云自棄舉子業後始放意為詩而所造已復乃爾其得於性情者深邪

感春

等閑羈旅欲歸難又見蔬盤簇綵幡九十日春從此始

萬千心事對誰言  
梅邊粉墜寒香骨  
草際青歸野燒痕  
且把一杯酬好景  
花風今日也翩翩

湖邊柳

亂撒鷺黃拂曉晴  
天涯多少故人情  
遊船空逐輕陰轉  
半屬春風半屬鶯

夢遊徑山值雪擁爐賦詩

雪天元自冷何況是山中

此聯是夢中句

雙徑衝寒霧千林戰

晚風室中人已定  
爐內火常紅  
萬事皆如夢  
誰知夢亦

空

玉泉

水積無增減從知地有靈羣魚潛異窟一芥納滄溟濟  
隱新畱咏超師舊講經聖時調玉燭龍睡不須醒

蚤起

蚤起看花露西風把鬢欺心清多在道夢好亦成詩過  
但思求已生無事皺眉功名緣底事到手卻如遲

聞鴈

飛盡沙田到水鄉  
年年來往為誰忙  
只貪月夜蘆花宿  
不是將身傍稻梁

通真觀

桃源事已成荒幻  
那更形容學避秦  
欲訪舊踪無處覓  
滿山花落不知春

泛月夜歸

短艇衝寒泛淺沙  
滿溪明月浸蘆花  
忽驚遠岸燈光發  
籬落蕭疎一兩家

龜溪市橋見月

樓臺疊翠遶清溪淺澹雲邊月一眉行到市聲相接處  
傍橋燈火未多時

寄寶藏壁天瑞

路轉小橋東羣龍擁梵宮行花明晚水蓮葉向秋風  
匠斧應休役禪窗定費功笑他塵俗者客路每怱怱

入京

何期又泛玉京船行止於人不偶然寒力勝如前兩夜



世情熟似近三年只將興味畱詩裏苦乏工夫到酒邊  
萬事看來忙不得只須委順樂吾天

憶孤山

孤山不是遠只隔鳳城門爭賞詩家句誰招隱士魂秋  
風林下冢寒月水邊邨擬待梅花發長吟酌一尊

別高家店

獨抱朱絃識者稀湖山與我獨相知煙迷柳岸經行少  
月照梅窗做夢遲酒價寒高誰與貫衾綿夜薄自多思

歸舟又值商量雪好似清溪訪戴時

夢回

銀漏迢迢箭緩傳夢回月在蚤梅邊  
小池凍合寒蘆折應是鴛鴦夜不眠

馬上

只為谿山有宿盟兩旬兩度此經行  
馬嘶險徑霜蹄滑鷗舞平沙雪羽輕  
豪氣不從塵外減新詩偏向道間成  
梅花似有相迎意野水籬邊數蕊明

新晴

寒窗寂寞度殘冬，接得春來雨。又風芳思悠悠，空自遠。  
清遊款款，與誰同。林梢澹抹煙，初霽菜甲新抽，土旋融。  
多謝殷勤檐鵲舞，數聲足喜夕陽中。

分韻春字

柳外鶯聲錯喚人，小樓吟苦不知春。落花飛過秋千去。  
一片閑情客裏身。

綠字韻

曉帳香銷閑畫燭夢回山斷屏風曲輕煙細雨客情多  
南浦草隨新漲綠

閨思

簾底臨鸞惜歲華鬢雲慵掠寶釵斜落梅香斷無消息  
一樹春風屬杏花

春夜賦小字

岸桐花開春欲老目斷斜陽芳信杳東風不管客情多  
杜鵑啼月青山小

再行湖上

樓臺萬疊照斜暉  
紅褪園林綠漸肥  
艷是杏桃開過了  
春風吹到野薔薇

小樓對月

京國誰曾念  
旅遊閑情  
芳思兩悠悠  
卻因今夜  
闌干月  
引得春風上小樓

再賦酬吳菊潭

酌酒酬春醉  
晚紅誰知書  
劍兩無功  
漁竿冷浸半絲月

牛背閑消一笛風仙夢不隨狂蝶亂家書只倩素魚通  
友聲更擬遷喬去底似人情較異同

留別詩僧

家山方繾綣客路復西東自念依明世誰令策雋功三  
杯桑落酒一櫂柳花風別後詩應好吟成寄短笥

送春

相逢九十日彼此惜芳期折柳停閑騎嚼花吟好詩經  
年行遠別對景起深思日落不知處四山啼子規

後塢示壁天瑞

幾年不到已公齋  
客裏明知未定家  
生滅無邊方共語  
滿山春雨落松花

即事

暝色分煙上遠峯  
雨聲斷處又晴風  
寶香差冷閑情遠  
落盡薔薇一架紅

檐玉鳴

曉窗風細響檐鈴  
一曲雲璈枕上聞  
夢斷不知仙路杳

鶴銜松露入青雲

東天目

三潭之下有九溪之隔三潭之上有瀑布之勝飛橋之險涉深攀緣止到第三

池上兩池及飛橋則無計可觀所以限仙凡也又有東西二井石室朝陽二洞黃冠厭人遊覽

不肯指引僅披荆

莽題名朝陽洞

不辭巖險訪龍潭潭底無窮碧似藍亂石鳴灘谿過九  
飛泉瀉瀑塹分三雖然道士能相引不比樵人得盡語  
悵悵飛橋無路到乘風應許御雲驂

不謂山行得此晴有名勝處必須經玉田草滿春無極



石室人稀夜不扃自料俗情應厭倦誰知幽意在空冥  
碧桃卻似傳消息一曲瓊歌月滿庭

西天目

茗水之源出此山如何邾魯始躋攀三池浚澤高岡上  
一勺為霖反掌間著脚不知蒼漢近無心真共白雲閑  
何時結屋枕泉玉滌盡塵根學大還

題朝陽洞

東天目

一吸龍泉萬慮清更尋古洞入柴荆桃花落盡春無路

獨許騎鸞上玉京

題至道宮雲巢軒

西天目

碧霄路底作生涯  
雲亦何曾定有家  
月印天池心宇淨  
水鳴環珮出松花

別天目

東尖森洞穴西目浚淵庭  
三日若為霖羣龍亦有靈  
立依松作蓋坐倚石為屏  
猶恨歸鞍急回頭望遠青

芍藥

雖殊桃李競年芳，色相惟應付夢鄉。  
綸閣曾看金縷艷，蕊宮初試玉樓妝。  
露凝深淺煙中淚，日汎溫柔雨後香。  
幸蜀歸來花正好，可憐不忍看嬪嫿。

天女霜刀翦亦難，露紅煙紫碧闌干。  
步搖衣袂飄霞珮，鈿合釵梁間寶冠。  
枝上任他無力笑，燈前還作有情看。  
采根若可蘇民病，始信無經載牡丹。

午寢

舊詩零亂滿藤牀，綠映簾深一縷香。  
午夢驚回槐國遠，

浮生消得幾斜陽

道間

一溪新綠漲晴沙  
傍岸疎籬八九家  
桑葉又抽麻正長  
綠陰深處響縑車

牆外竹

森森新竹亞牆屏  
籜解餘斑粉淚零  
幸入詩家窮相眼  
可能不為此君青

五到洞霄兼似神妙

多謝名山不厭人  
五來此地著閑身  
泉聲帶雨驅煩暑  
空翠縈風絕點塵  
金鼎火能知應候  
玉壺花自占長春  
何時許證三生約  
乞借煙霞與卜鄰

夜泊黃灣

移近黃灣泊短篷  
野雲隨地一溪風  
渚香吹散荷花雨  
幾點流螢出葦叢

夜涼聽雨

暑雨沈沈夜正清  
涼欺客枕夢頻醒  
雖然未是秋時候

滴在梧桐亦厭聽

西河柳

一把輕絲拂地垂柔梢淺淺抹燕脂絮花吹盡枝方長  
卻恨春風未得知

三過垂虹

秋來三度過垂虹灑氣連江水接空帆影輕浮千幅月  
漁竿冷浸一絲風楓初落葉前邨近荷有餘香別浦通  
笑拍闌干天地闊鱸尊酒許誰同

滄浪亭

長史遺踪二百年直教名字到今傳  
香細挹蓮鬢雨野色輕團竹尾煙  
但得幽情關水石何須隱迹痼林泉  
客中正有塵纓在來此清遊亦是緣

中秋日虎邱呈庾使東畎先生

寒步接輜軒於山亦有緣  
劒鋒遺斷石閣影到平田紫  
日穿林暝黃雲共夜連  
清暉無著處月伴使星圓

清夜

客身隨所止一室冷如冰景遠吟何託情疎夢不曾雨  
黏初蘚壁風謝欲花燈豈是無家者甘為有髮僧

客中雨思

細雨黏雲結晚愁黃金垂地菊錢流風來不覺窗聲戰  
分卻羈懷一半秋

對菊

欲荒三徑負歸期魂夢何曾到短籬九辯不歌陶令老  
清香還許入誰詩



蠟梅送東畎先生併寓探梅之意

澤國寒深未見梅  
東風何日到南枝  
玉堂應有新消息  
恐是人間未得知

寄陳藏一

萬人如海亦紛紛  
還著江湖有限身  
題葉恨深波影遠  
嚼花吟苦月痕新  
羨君朝市情俱薄  
笑我山林趣未真  
名勝搜羅能盡否  
細論何日許相親

借張憲韻述懷呈東畎先生

蚤起看秋意山前深未深水香飄遠渚晴色上平林風  
雨一雙鬢江湖萬里心何期來此地時作短長吟

初汨世緣

紹興南  
倅廳

不問蕭條傳舍空來敲客枕聽西風一庭明月無人管  
秋在梧桐落葉中

蚤起

檐前鳴玉響丁東清夢初回鶴帳中蚤起井梧飄一葉  
方知昨夜是秋風

禹廟

袞服嚴常祀，平成萬世功。  
圭璋藏道室，弓劍莽幽宮。  
石定音訂今猶在，梅梁事莫窮。  
幽尋須作計，多恨雨怱怱。

高園

入門雖較小，中卻是壺天。  
委曲松篁徑，清新錦繡篇。  
蟠胸有邱壑，隨處是林泉。  
更讀鼇峯句，風流似謫仙。  
扁名俱不俗，難得此規模。  
一鏡荷香冷，四圍花徑蕪。  
沼寬魚自樂，竹靜鶴同孤。  
做盡東川景，何須作畫圖。

夢前室

長夜幾年別傷哉千古心自因緣較淺不是老相侵熊  
夢如先兆鸞膠豈續琴曉窗秋葉響不覺淚盈襟

西興寄呈東畎先生

生平未始識東州不謂招邀得漫遊南鎮門前秦望曉  
西興浦口浙江秋風搏怒氣潮初落山湧青冥雨乍收  
豈為登臨重回首使星只在五雲頭

右芸隱勸游藁

輪差祝聖所拈香

幾度來遊幾賦詩又因將命到靈芝  
三呼祝了君王壽  
偷眼湖光立片時

昨夜

昨夜陰風刮地鳴亂敲窗紙夢魂驚  
壁寒剝落泥成片  
屋老漂搖瓦作聲野市霜明人跡險  
官河水冷客舟橫  
翻思帶甲眠戈者何幸吟身傍帝城

月夜憶梅花

夜深寒月照窗紗  
忽憶林逋處士家  
鷗鷺正眠煙樹冷  
不知誰可伴梅花

生朝報恩夜醮

絳節翩翩七寶車  
謠歌飛上玉皇家  
鶴壇月冷天風靜  
開盡碧桃無限花

夜聞城中簫鼓

簫鼓喧天競看燈  
都民幸喜見昇平  
芳心自不同年少  
細嚼梅花坐月明

題桃源圖

山中與世不相關，雞犬桑麻盡日閑。  
傍水桃花春爛漫，誤傳消息到人間。

酬瓜疇趙鑪夫投贈

謀生百拙世無如，羸得心清賸讀書。  
薄宦喜從京國路，閑身還似野人居。  
濟川事業歸商傅，獻賦聲名羨子虛。  
歲晚且留梅作伴，吟邊月冷一枝疎。

立春

采勝飄春上鬢蓬倚欄一笑問東風青青柳眼梅花面  
纔染陽和便不同

雨後道間見紅梅

玄都境界玉堂身輕裊相幫步曉陰昨夜雨肥添酒量  
紅情染得十分深

梅

白玉堂前樹誰移此地栽看教清意足喚得艷陽回舞  
片疑雲墮畱香待月來只應標格好獨為歲寒開



再雪

投曉又翻飛，春風亦被欺。  
須知寒徹夜，勝似臘殘時。  
艷粉同梅落，輕花替柳吹。  
渾然成片玉，凍合在前池。

桃花

武陵人去水橫陳，獨向玄都管領春。  
日暖風輕塵撲面，劉郎空老苦吟身。

宿龍泉寺

既濟功成列左元，餘波猶作世間泉。  
苔荒碧甃龍宮寂。

庭老梅花月在天

石橋接待

當年立雪直齊腰宗旨流傳到石橋  
風急窗寒燈影遠  
疎梅無語夜香銷

手筆華嚴梵笈新更開寶地接迷津  
一聲金磬人初靜  
月照空山草自春

聞寺中曉鼓

靈鼗一鼓振潮音  
征夢迢遙枕畔聞  
語斷頻伽天正曉

松風吹散滿山雲

峒山鋪

未說行路難山深分外寒  
曉邨林隱寺春澗石鳴灘  
薄宦曾無補勞生敢自安  
羽書今較少備禦莫教寬

杏塘

境接江東界郵程是杏塘  
雨喧茅屋小泥滑草橋長  
曠野人稀少平田草渺茫  
半生遊歷地未若此荒涼

池萍

一番雨過一番多  
閑挾晴風漲綠波  
柳絮吹殘遊跡在  
謝池點點是陽和

分賦楊花

纖腰睡起芳情足  
誰道春風浪拘束  
日暮天涯細草多  
輕風誤入闌干曲

雨吟

園林綠盡合清和  
猶有餘寒在薄羅  
幾縷晴風春別柳  
一庭苦雨夜鳴莎  
人於生處窮通定  
事到難時感悟多

水上浮漚頻起滅  
看來物理總由他

夜窗聽雨

一炷夜香清挑燈聽雨聲  
雖然添客夢卻可助詩情  
澤沁蘭心重泥酥筍角萌  
山行頻有約日日候晴明

破榴

絳殼盈盈萬顆珠  
潤於瑪瑙浸冰壺  
吟心先自清如水  
嚼了寒霜骨更臞

留滯

何期踪跡又遲留行止於人不自由夢境固知空似蟻  
生涯卻笑拙如鳩碧涵一鏡晴天闔翠湧千峯宿雨收  
從此公餘須杖屨未應草草度春休

曉寒

曲曲屏山憶夢中峭寒成陣入簾櫳宿香銷盡金猊冷  
一樹梅花怯曉風

晚思

客思悠悠幸自安亦因吟事可相寬小窗過了廉纖雨

細與東風說晚寒

苦雨

何期一雨成三日約客行山竟未能春到分時陰不解  
夜當深處氣猶凝檐低捲箔看飄灑礎潤添香散鬱蒸  
想見故園梅落盡和羹消息又堪憑

雨中用雪坡韻

無計酬春獨有詩倚欄終日候晴暉東風漸屬新桃李  
簾幙深深燕子飛

禹廟

且要盡清歡須知一出難人因晴後喜春到水邊寬柳  
長官橋媚梅飄客袖寒荒祠存禹蹟得得又來看

用雪坡春色韻

纔出城門興便濃晴光野色兩俱融柳方染得三分綠  
桃已熏成一半紅山湧林巒荒寺隱湖分港汊小舟通  
相攜各自論年事幾度春風上鬢蓬

送東浦張應發歸永嘉



客裏偶相逢襟懷亦偶同對梅吟夜月折柳問春風  
子  
勿言浮梗余方笑轉蓬歸程驚鴈蕩得句附郵筒

送妻叔歸括蒼山

此身元是客還作送行詩笑語如今度綢繆似舊時買  
船春載酒翦燭夜枰棊煙雨樓前景圖來慰所思

出西門寄呈外舅

自從依監宅不似昔時親義重難為別情同久更真一  
簫思去鳳雙壁倚靈椿只等中除報相迎輦路塵

奉和龜翁送別

為說吟邊事曾陪讌笑頻自慙無韻者敢對有名人  
雨洗秦山曉波明鏡水春怱怱還別去芳草正如茵

右芸隱橫舟藁

竹溪詩集

林希逸字肅翁號庸齋又號竹溪福清人紹定間進士  
第四人初為平海軍節度推官淳祐中遷祕書正  
字景定間司農少卿歷中書舍人直寶謨閣莆田林

光朝講學於紅泉光朝之學一傳為林亦之再傳為  
陳藻三傳至希逸其學有原本故發於詩歌若不經  
意氣味自別著易講春秋傳老莊列口義考工記解  
諸書其詩文集有竹溪十一稟三十卷又續集三十  
卷及門林式之所編林同為之序茲合為竹溪詩集  
泊舟漁浦望吳山作

客子孤舟傍晚沙隔江人說是京華綠山一帶煙籠樹  
中有王侯百萬家

龍灣秋夜

旅泊秋將暮行吟夜向中  
獨星明似月重露冷於風  
遊歷書何有飛揚醉自雄  
時聞邊耗近憂憤氣填胸

前出塞

信陽作

淮面如江春漲夥  
獵騎夜歸城未鎖  
邊頭戍將憤官卑  
舉鞭怒指平安火

後出塞

安豐作

紫金山前數尺雪  
三十六洲明似月  
夜來衝突人不知

但見官軍刀帶血

信陽道中次陳守韻

古嶺纔成徑荒林間有家柳眠腰  
媯娜桑老骨杖枒野  
麥三分草山籬一半花  
挾書來萬里飄泊負生涯

寄書後作

幾度題書客未還  
歸鴻歷歷度鄉關  
遙知一紙平安字  
慈母燈前閣淚看

寒食

異俗逢鑽燧勞生歎轉蓬茅簷疎柳月草地落花風故  
國邱墳在他鄉祭祀同奔馳真左計歸夢海雲東

宿西興渡作

古寺鳴鐘罷高林宿鳥忙竹明風弄影荷淨露生香月  
到中天小星過野水長江邨人寂寂敗葉響銀塘

樂軒先師挽詞

十年燈火若為情一日簫笳有底聲惆悵門前蕉雨路  
白頭扶杖夜深行

網山遺橐樂軒文已矣今無識子雲千載何人按圖問  
犀斜南谷兩荒墳

晦菴南北象山西道學年來入品題可惜六經真脈絡  
紅泉三世兩幽棲

臨浦秋夜

野噪寒枝鵲邨歸古寺僧傍堦聞落葉隔岸數殘燈月  
退頻移席潮高尚倚藤江虛羣籟息人語近漁罾

秋閨怨

金匱山房詩集 卷三十二  
簾幕低垂夜漏深秋蟲唧唧相悲吟  
回文織罷空彈淚  
未必君心似妾心

午齋即事

晴窗伊吾罷風薄清晝永陳編幾廢興  
適笑心自領青  
精飯何味車笠沸塵境佇立共幽懷  
虛簷疎竹影

黃源嶺半見梅作

古嶺森森立萬松一株寒玉笑春風  
恰如釣艇桐江客  
畫入雲臺劍佩中



癸巳再入京宿璜溪寄二弟

十日離家只四程  
白雲何處玉融青  
溪聲颯颯如風雨  
猶對寒燈詠鷓鴣

有懷

乙未西山先生典貢舉僕卷乃公所定開院未及謁聞公病矣

金蓮學士起持衡  
玉筍門生僅識名  
一瓣心香雙淚落  
半溪殘月暮雲橫

答友人論學

逐字箋來學轉難  
逢人箇箇說曾顏  
那知剝落皮毛處

不在流傳口耳間禪要自參求印可仙須親煉待丹還  
賣花擔上看桃李此語吾今憶鶴山

力學

力學求心苦未安蓬窗賴得小盤桓醉知义手矜持易  
過似科頭點檢難靜定工夫忙裏試和平氣象怒中看  
亨途失脚人何限始信顏回樂一簞

玄局

君從何處叩玄局耳學紛紛莫浪聽剗盡念頭方近道

掃空注脚始明經見聞日富祇塵積涉歷年深似酒醒  
不必但疑禪背理請君細讀信心銘

入局有懷

戊申

空食無補負公家此志雖存鬢已華每向客懷紅躑躅  
不貪郎對紫薇花寬心可要流香酒圓夢何須正焙茶  
手板便還丞相去吾儕活計只桑麻

勸農

此禮今於古庶幾龐眉共席意依依兒攜竹笠翁藜杖

主帶朝冠客布衣，飲不盡觴瓢挈去食。猶餘載葉包歸，  
已分鏤本隨人看。聞說今年僻字稀。

題後邨畫卷

馬和之覓句圖

先生隱几奴煨火，斜插疎枝破瓦尊。鶴夢未回更幾轉，  
吟時應是月黃昏。

明皇聽笛圖

壽王妃弄寧王笛，對面三郎背老伶。卻恨馬嵬西去路，

無人吹出雨霖鈴

楊通老移居圖

憶昔移居詩在集篇篇好就中語竒絕最是涉嶼島誰  
歟作此圖題以楊通老行行四五人長短各有荷瓢者  
帽且髯席者頭不裹或牧而尚髻或負而似跛孟光衣  
頗寬靈照袖亦拖一兒解持箠一兒纔翦髻處士獨跨  
驢牛乃背其媪彼羊驅於前彼貓肩於左琴二荻籃雙  
生計亦甚夥應嫌俗子知必住深山可低眉得何句手

卷豈其藁若逢李十二定復歌飯顙意或招讒胡椒  
能惹禍君子哉若人萬物備於我

題江貫道山水四言

此畫正絹作石  
林簡齋有題跋

遠水叢叢遠樹濛濛咫尺萬里江行其中短長何岸高  
低何峯彼坻彼峙彼瀑彼硤晴嵐乍豁煙靄龍蔥或斷  
或續且淡且濃爾萃奚寺爾盤奚宮或垣陰翳或梁嵌  
空有吠者厖有樵者翁危檣落碇短櫂掀篷往來異趣  
寂動殊容羃翠其庭豈非盧鴻畧約而渡豈非龜蒙昔

吾經行雲山萬重若淮南北與江西東亦衰而雨亦帽  
而風乃今追維夢境相從及此開卷恍然昔同誰居作  
者造化論功淹總其裔熙成是宗聲聞九陛既召而終  
謂彼樹白貫道畫林木如識其身窮其然豈然訊之天  
公被名穹壤疇曰不逢

郡圃偶題

鄱陽

曲階倚杖行疎影柳花度竹黏衣領臺根三兩落殘梅  
時見幽禽窺野井

晚行鳳遊池邊作

為吏常嗟七不堪，偷閑時到小池南。  
去來共浴鳧千百，高下相呼鵲二三。  
春放新紅梅點點，霜餘舊綠草毵毵。  
雲邊數陣鴉歸後，遠樹如山日半含。

人世

浮世堪嗤似戲場，塵編無限記興亡。  
百年不了窗明暗，一覺寧論夜短長。  
空谷老夫休浩歎，今人古月漫相望。  
眼前翻覆祇如許，隱几何妨靜炷香。



郊行即事

野店相依門向背  
牧童對語岸東西  
草枯白見樵成徑  
木落紅隨葉入溪  
色有淺深峯遠近  
影無長短樹高低  
眼前好句閑收拾  
歸到書窗卻自題

老樹茵生鋪兔目  
斷蹊泥濕印牛蹄  
山僧渡水雙攜履  
野客歸邨獨杖藜  
羣鳥爭枝聲上下  
孤松夾澗影東西  
行吟注意搜詩料  
欲近前溪路忽迷

世味

世味更嘗百念輕眼前何辱又何榮寧教鬼解揶揄汝  
不許人能駕馭卿躍馬臥龍皆夢事焚香弄鏡了餘生  
春殘雨水差霑足卻願從今米價平

晴窗放言

今日與明朝相尋僅頃刻昨日不可追便如千歲隔長  
江汐且潮孤月明又魄真宰良自勞人生況如客錦衣  
豈云華藜羹未為嗇俯仰去來今升沈付一啞卯酒六  
七分武城二三策晴窗只自知一鏡虛中白

甲寅十月十九日有感

當年瑞節慶虹流，冷落如今閱幾秋。  
鼓腹遺民猶詫說，攀髯諸老更誰留。  
玉梅枝上春長在，金粟堆邊雲正愁。

明皇陵寢在  
金粟堆邊

追記鵠袍陪拜日，曉風黃繖望宸旒。

題詠近藁

拏舟蚤已向三韓，莫放天風解引還。  
九轉黃芽先白雪，千年翠鬣後紅斑。  
碁無盡算仙猶著，性要全空佛未閑。  
得路不須愁險絕，看他脚力儘登山。

溪上謠

溪上行吟山裏應  
山邊閑步溪間影  
每因人語識山聲  
卻向溪光見人性  
溪流自漱溪不喧  
山鳥相呼山愈靜  
野雞伏卵似養丹  
睡鴨依蘆如入定  
人生何必學臞仙  
吾行自樂疑散聖  
無人獨賦溪山謠  
溪能遠和山能聽

夢西軒舊事

南谷霜松老傷哉  
一窖塵學迂窮有  
鬼詩在護無神往  
日同參盡殘年入  
夢頻遺書誰挂眼  
衣鉢付何人

雲木相參歌

溪翁結茅傍溪南  
近山繞屋青如藍  
天垂四野雲到地  
千頃萬頃羅松杉  
著亭小小寄面勢  
往來萬象窗中含  
有時倚杖日未吐  
但見雲木朝相參  
蒼蒼古木大百圍  
白雲無心出復歸  
雲無盡藏木不老  
雲木千載長依依  
我醉呼雲雲不飛  
風和萬竅如塤箎  
此時此景誰能盡  
既以名亭聊賦之

田圃雜吟

疇昔多慚世網牽收身幸蚤賦歸田四科人物皆高弟  
只學樊遲也自賢

臂痛六言

六十六翁衰久四百四病更多臂用夾攻未可心存水  
觀如何

物理六言

以鳥養鳥盡性惟蟲能蟲知天萬物與我為一反身樂  
莫大焉

非魚知魚誰樂夢鹿得鹿誰誣若與予也皆物

莊子執而

我之則愚

闕尹子

右竹溪十一藁

資福嶺菴前作

嶺內有神祠課社十日一集其間

嶺路松陰好歸鞭為小停苔封石面紫藤絡樹身青菴  
古無人住蟬多過客聽少時文會處近裏有祠堂

崇安忌日

生死塗分久追懷謾自傷憐渠眉舊白歎我髮今黃聚

散萍來去悲歡夢短長縱能排遣盡此日亦難忘

四月二十日得雨方足聞城間一禱即應霑渥  
久矣此餘波所及也次韻呈恕齋

晴雲卷盡雨雲飛多謝元功已轉機懇切敷陳綠封事  
殷勤持送紫霞衣十連如佛仁均施一念於民福可祈  
秧馬既閑青徧野搖搖爭弄晚風微

和一隱堂

義江陳  
吏部

少陵那肯縛微官謾結陶廬雜市闌五客昂藏圖素壁



一翁偃蹇對青山我因月憶人千里公比雲居僧半間  
老去得閑應浪喜何如未老已先閑

和後邨得第七孫

恰喜長房兒納婦蘭階又報送麒麟一夔四海名千載  
三鳳諸孫見七人新綴錦綉饒獻笑騰留寶硯要分珍  
太翁從此應投鑷卻許貂金映鬢銀

山丹已盛

夏半葵榴亦頓空臨池還未見芙蓉花神也念翁岑寂

數本山丹著意紅

六月二十四日雨後苦熱作

今年一旱熱良苦既雨纔晴熱如故桔槔暫閑稍解憂  
赤日當空蒸濕土晚田切切更望霖蚤禾已失十四五  
溪泉漸涸衆撮眉老我垂頭汗如雨有身有患信可憐  
亦既憂農還畏暑

四睡戲題

其像三人交  
頭枕虎而睡

多少醒人作寐語異形同趣誰知汝四頭十足相枕眠

寒山拾得豐干虎

送徐諮議總管

美矣軍諮議元戎喜借畱吟多磨盾鼻心久折刀頭梅  
日相求去花時寄別愁天風題石處從此夢同遊

題梁祕閣玉堂何似亭

放眼久知亭外景連朝苦恨雨昏昏紅飄落桂渾如雪  
青失平林總是雲與世相忘真有道休官曾不待移文  
玉堂天上空回首白髮追尋我愧君

偶題

清曉焚香罷書窗只自娛時為五禽戲閑看六牛圖  
世元無悶衰年不厭癯園基三稚子夜夜笑翁輸

和春谷用弓字見寄

奴去看魚笥兒尋射鴨弓養疴三徑裏取友一溪中日  
苦經簷短天如罩野穹過從人絕少訪問愧邨翁

喜第三孫彌月小飲

茅簷喜得第三孫草草團圞笑語溫晚菊客貽黃似蓋

新篔兒喜綠盈尊生涯素薄書差富舊物能留硯僅存  
儒級傳來方四葉九龍入夢始曾門

題朔齋鐵壁堂

耐久聲名參古柏絕清詞翰賦薇花幾聞人似南都老  
再有公生朔黨家題扁不慚名鐵筆持荷更合侍金華

元城志業須翁了惟美還看入制麻

堂以綸  
言名

丁卯新正二日野望作

麥隴高低一樣青澹雲籠晝雨絲輕梅花爛漫開將盡

松葉稀疎落又生遙企鈞天知夢斷欣聞玉陛慶熙成  
人人盡說新年好除夕無風歲旦晴

放歌

讀放翁  
詩作

朗誦烏棲曲數終乾坤何事老英雄縱令經有千名佛  
敢道詩無兩放翁九萬里風來海外二三更月到天中  
便教挽得銀河下今古閑愁洗不空

新晴

衰嬾如僧不出菴雨晴春又遍溪南周天日度一日一

初夜月生三月三還丹只是安樂法虛白未應容易談  
最喜無名公自傳何須儒學記齊聃

詠蓮花

梅有幽人骨蘭如處子姿二者豈不貴清矣仁未知美  
哉水芙蓉百花誰庶幾可愛非可狎不癯亦不肥充然  
德之容瑩矣仙之肌芬芳不容挹既遠而有遺洛陽妖  
艷品紅紫薄易萎東籬敗壤相著枝黏如糲此花雖已  
落汎汎看紅衣有房如粟玉尚以金絲圍吟翫苦不足

賦子何其竒因思愛蓮說稽首百世師非汝溪不愛非  
溪不汝宜何人斯取斯有道者似之

遣興

風流不羨三學士衰退甘為一腐儒嗜古心癡迷黑鬼  
見歐公與劉  
原父簡中養生胎息學元夫興闌日下新吟少靜勝  
年來雜夢無醉後枕書時鼾睡長孫喚醒小孫扶

偶題

浮沈上下一虛舟久喜身心得自由知我要須高著眼



逢人多是懶擡頭詩名遣興元非興酒道消愁有底愁  
學聖宗玄總如許莫疑老子習單修

別黃尉

梅隱多留譽花殘乍語違  
慈空懸棒在廉得薦書歸好  
是家聲著賢如柱史  
稀清時衡足定著意稱傳衣

苦雨

一春苦淋漓既晴差自喜  
四郊遽如壑晴日共能幾人  
言山雨驟每點大如指  
新秧過半空農泣向妻子  
今年

種如金典質到衣被忍飢事犁鉏豈料今乃爾一飽彊  
營營天公難指擬先淫後必涸我慮非止此可奈漫空  
雲如墨來未已長宵敲枕聽攬衣四五起滴碎愁人心  
不滴愁人耳

贈僧宗仁回江西

少別溪干去於今識者稀腰包畱一鉢頂相稱三衣未  
得逢漁住還如化鶴歸馬駒江上有著意訪禪機

六月頻雨

講堂  
前作

半空如墨半空明  
亂灑斜飄卻又晴  
細柳牆邊飛拂拂  
隨風不住帶蟬鳴

和王臞軒舊題紫閣寺詩

余初識此寺臞軒約  
軒題詩時也今三十

年寺中廢余守郡始復之  
丁卯寺僧攜此詩來訪和付之

閣為山名紫松依水更青僧  
譚疇昔事我記始初經敗  
壁題仍在臞軒喚不醒  
箇中安穩住但要主人惺

即事

學必苦心非易事  
世多抵掌是癡譚  
評量人到九分九

指擬天窮三十三澈底書須隨字解造微詩要似禪參  
眼前定與誰商權忽謾狂吟付一酣

贈別張養晦

訪我溪干住蕉衣換袂衣甘同蔬飯久飲了菊杯歸論  
藥方書熟修丹嚙息微浴冰還啜火此事世應希

十月九日回書偶作

炎炎翕翕何關我是非非厭聽人莫謾揣摩當世事  
且須康濟自家身

康節語

囊空米盡挨排去菊老梅遲問

訊頻南北尚留書債在未能痛絕為情親

晚步偶成十月廿八日

半空濃碧雲成嶠上有明霞如野燒  
綠田黃犬吠行人白鳥青林送殘照  
連朝毒熱勝三庚萬木號風無一竅  
松間散步信意吟安得孫登與長嘯

答吳檢詳用饒字韻見寄二首

署省論文久追思去日饒同趨花底路  
執別柳邊橋我已甘肥遯公還惜驛  
消新詩時見寄莫怕鴈程遙

白髮溪干住雖貧買竹饒名慙五雲吏夢斷七星橋烹  
鯉梅春小鴻歸柳雪消兩鄉同此月廬阜亦非遥

曉起即事

枕上吟安未了詩披衣趺坐自支頤今年暖過冬彊半  
昨夜霜濃曉始知腰帶愈寬只彊束髮梳常落不多絲  
衰殘卻喜身彊健歲稔邨沽醉度時

和後邨韻贈硯士方生

精能磨石似磨磚巧手馳聲積有年想見割來雲製作

溪工割紫雲  
李賀端硯詩

妙如修得月團圓  
我雖成癖耽求硯家苦  
長貧恨少錢  
卻羨樗翁藏甚富  
鑄題欲付子孫傳

洗石蒲作

似髮青蒲石頂鮮  
與奴疏別換清泉  
莫嫌水部寒貧氣  
聊結涪翁瀟灑緣  
晝永久看雲獨立  
夜寒畧對月還眠  
焚香弄鏡皆書味  
時有新詩入續編

送陳伯厚試上庠

才華蚤已逼難兄  
聲動賢關指日聽  
萬卷飽看雙眼碧

一篇聊換半身青  
三都賦出愁無紙  
千佛名題會有經  
投老溪干吟送別  
舊遊回首夢爐亭

和桃巷吏部用鄙韻

人間波浪勝揚瀾  
對鏡知公有遠觀  
晚喜騎驢半山去  
蚤曾立馬萬人看  
平頭八秩身逾健  
信手千詩興未闌  
應笑溪翁耽貝葉  
但尋破寺訪豐干

山前山丹已見微紅

一種邨居富貴窮  
多年饒潤謝天工  
眼前黃白方吹盡



已放山丹蓓蕾紅

雪峯藏叟過門見訪贈別

山頭老漢老尤癯，忽謾溪干訪老夫。  
問訊鞦韆思古宿，等閑隱几說今吾。  
多畱舊日題詩在，近有寒泉答話無。  
握手依依還別去，十年一見只斯須。

九月山丹

數本山丹似曉霞，多情戀戀野人家。  
自從五月至九月，還有三花或兩花。  
莫笑蕭疎同寂寞，蚤曾爛漫見紛華。

籬邊黃菊今全未且對芳尊拾墮葩

九月十九日作

霜殘已報春消息未見籬邊蓓蕾黃愛菊苦遲今日  
漉巾須作後重陽酒知聖處何妨醉藥縱仙方不用嘗  
拍手自歌兒和我別無曲調只滄浪

題梅花帖

為徐山  
長作

梅經和靖詩堪畫蘭識靈均賦是經兩得清名還此卷  
梅花石上古蘭亭

冬曉

雲樹曉層層初霞照屋稜冰池紋似鏤霜瓦氣如蒸凍  
想歌樵客閑思煨芋僧癡翁吟太蚤窗尚有殘燈

信緣

塵世情知事不然生涯漫浪只隨緣關關身入從初悞  
逆境魔多向老便未肯羨人昇白日不訪留我伴殘年  
聲名官職俱何有枉見怱怱髮似絲

題徐司理誥

端拱雍熙誥尚存棲鸞衣鉢說曾門龍飛黃勅新來好  
先輩名家又有孫

賀李教授挂冠

鵠袍未脫先謀隱雅操如君世所難甫拜袞龍懷勅牒  
便尋神虎挂衣冠定應傳入逸民去更有文留後代看  
高卧東山還不穩令人遠笑謝公安

戊辰除夜作

今宵明蚤為新歲明蚤今宵是舊年卻羨山中無歷日

循環只認月虧圓

送子晦宰南安

送子南征愛子深  
殷勤聽取拙翁吟  
為儒但有書堪信  
試邑元無譜可尋  
民病盍知渠即我  
郡貧應念昔非今  
聖門絜矩真良法  
彼此秤停要盡心

枕上作

新種梅家萼綠華  
綠渠關念是癡家  
不知青葉朝何似  
輾轉殘更聽過鴉

久旱後夜雨不止枕上作

得雨初愁雨暫停如今徹夜怕泠泠此心果是誰差別  
一樣聲成兩樣聽

喜晴

陰雲西卷去徐徐照眼睛空意豁如何處飛來雙白鷺  
淺溪逆上小紅魚經風忍見折殘柳飽雨欣聞暴長蔬  
新月宜人須痛飲南來況已得兒書

代懷安王林丞上楊安撫

誠齋子

止戈堂外戟森森  
畫鼓無聲畫漏沈  
好是風流賢太守  
空齋一片讀書心

先生舊把釣魚竿  
弄月雲濤手本閑  
只為春風藏不得  
卻來搖筆對三山

聽得溪邊擊壤聲  
年來官府是昇平  
吏呼不到韓盧卧  
整理犁鉏待雨耕

篇篇渾不費安排  
霽月光風自滿懷  
嶺海聲名誰得似  
一家詩句老誠齋

中秋後三日寄吳景朔

離鴻斷影中秋月病鶴心愁薄暮雲為語白蓮同社友  
得君書後愈思君

遊孤青作

野水茫茫去漁歌遠遠聽醉酣觴大白乘興櫂孤青明  
月長如此浮雲不暫停拜經遺趾在誰與拾殘螢

秋日鳳凰臺即事

鳳凰臺著名以李翰林一詩也余思翰林題詩時臺必不

爾白鷺洲問之故老指點固無定所而三山則於此臺望已不見乃遠落於前江之尾若當時



果爾則此辭不應如此模寫  
也謾刊正之以俟好古者

三山遠落窮江尾一水橫過接石頭蘭櫂幾雙船細細  
蘆場無數屋浮浮斷雲歸去商量雨黃葉飛來問訊秋  
總為登臨能作興若為陳迹替人愁

劉躔甫許以古詩集見假而竟不至代書促之  
好書千束且萬束前身後身讀不足劉郎好古喜收詩  
一篇半篇惜如玉知君此性人所希旁人浪指為書癡  
旁人肉眼君似月好句何從向渠說相逢劍客心相許

青萍莫惜當筵舞

送王逸少還鄉

已卯同出  
冬先歸

點點瓊花上旅衣  
還鄉心壯任寒欺  
飄零為客看歸客  
記憶來時惜去時  
家書一半憑君說  
客里三千儘夢隨  
握手橋門重約在  
芒屨莫便厭奔馳

省題詩

文字飲

我問揚雄字君評  
李嶠文劇譚聊詡  
詡對飲盡醺醺  
筆

落三千首杯浮一百分醉吟唐學士酒頌晉參軍良夜  
邀明月他年憶暮雲獨醒憐楚客悲怨托湘君

山光悅鳥性

細大皆天性逍遙宇宙間山光非為鳥鳥悅自因山  
日浮青嶂春雲影翠鬢物情如有識樂意自相關疎密  
陰俱好飛鳴態自閒夕陽歸翅急應是倦知還

離憂忽浩然

只有片時畱離觴  
計籌知渠因底別使我浩然憂握

手看成夢多情種得愁征帆天共遠羈恨水俱流明日  
非今日杭州定越州殷勤無別祝切莫斷書郵

山鳥暮過庭

試拄看山笏新詩得自哦空庭人不到日暮鳥時過遠  
岫呼雛急斜陽接翅多瞥看窗外影爭認柳邊窠散帙  
隨吾意喧蒼奈汝何須臾林鵲噪滾滾見金波

賜鏡湖一曲

拜賜歸湖曲生涯只此湖三韓雲不遠一鏡月同孤天

語書黃誥波光照白鬢柴扉當鴈鶩采地即菰蒲殿下  
投箋乞波間弄槳娛不妨眠井底醉入八仙圖

落日見漁樵

落日誰橫笛江邨一望遙喧喧歸鳥雀得得見漁樵薄  
暮舒愁眼斜暉帶遠潮依灘綸在手出谷斧橫腰歌罷  
尋歸徑影行先度橋兩翁山水趣應未羨金貂

無弦琴

道外元無器脚橫膝上琴本非弦可弄自覺趣尤深蚤

向聲前悟何勞指下尋  
昭文元不鼓鍾子謾知音  
蹟矣鐘名啞傷哉磬有心  
退之如解此十操不應吟

惜花春起蚤

苦惜花能好晴窗喚起頻  
只憂春去蚤卻要蚤尋春  
一片飛愁我千秋艷惱人  
鳴鞭思曉月化蝶逐香塵  
醉卧狂小子楚狂小子  
吟看睡太真每因風雨夜  
不寢為渠韓退之

顰

挽詩

信菴趙少保

百萬頻年戰虎貔神馳漠北到洮西  
空餘八陣江頭石未見一丸關上泥  
守父訓辭黃閣去負時名與紫山齊  
河山收此英靈氣下馬千年看墓題

朔齋中書劉禮侍

一識端平三十秋北關重別見南州  
紫薇閣下分房住黃檗山前並轡遊  
漳水詩來秋後得吳門書去病中投  
交情不薄相期遠底料催歸記玉樓

王宗合太博

特魁

蘭宮凡幾上直待晚成身臣對三千字君恩第一人譚  
經居未久岸幘請何頻風月分能幾空山骨已塵

陳提舉

焯

嶺海清聲玉雪如門庭尤峻似閑居吹噓昔日班揚賦  
受用餘年老易書亭列百間多築圃舟移數里自穿渠  
春來紅紫應岑寂花外無因見小車

潘守



文武憂才盡斯人為底窮  
威聲傳境外袖手老閩中  
來往二三客康寧八十翁  
及門曾一識銘筆愧難工

百七弟

我嗟孤日蚤汝亦守偏親  
愛甚於諸季年多似一輪家  
雖老去足身苦病來頻  
卜穴何時定傷心歷四春

梁秘閣

當年握手向番湖  
歲晚交情不暫疎  
安樂窩中三度別  
往來溪上幾回書  
鳳遊舊客彫零盡  
龍窟新阡悵望初

人物如公應不死有銘有誄果何如

鳳遊堂名


### 盧汀州野涉

野涉來南岸憤時我方為掾久追隨  
爐熏柳葉同清話  
酒嚼梅花幾賦詩  
別後京華纔一見  
病餘山寺謾相期  
為公一慟今踰紀  
當日交遊在者誰

### 劉殿講大卿

涉世風波惡收身歲月長  
再三持蕩節八十侍華光  
邊人籌如蔡民懷惠有棠  
兩朝凡幾奏書不與人亡

右續集



宋百家詩存卷三十二